

PRIVILEGIVM CÆSAREVM.

finitam editionem suis sumptibus ad Imperiale Nostram Cancelariam, ejusdem destinato Taxatori transmittat. Quod si neglexerit, hac Nostra gratia ac privilegio neutquam gaudere possit, sed eo statim privatus & exutus esse censeatur. Mandamus igitur universis ac singulis nostris & Sacri Imperii, Regnorumque, Ditiorum ac Dominiorum nostrorum hæreditariorum subditis, cuiuscunque status, gradus, ordinis, dignitatis, conditionis, aut fortunæ existant, tam Ecclesiasticis, quam Sæcularibus, præsertim vero iis, qui in Magistratu constituti vel proprio, vel Superiorum nomine ac loco jus dicunt, justitiæque exercent administrationem, ne quemquam Privilegium & interdictum hoc nostrum Cæsareum temerè & impune transgredi, aut violare patiantur; quin potius contumaces, si quos fortè compererint, præscriptâ poenâ mulctari, aliisque modis idoneis curent coerceri, nî gravissimam nostram indignationem incurrere, & eandem mulctam pendere voluerint. Harum testimonio litterarum manus nostræ subscriptione & sigilli nostri Cæsarei impressione munitarum. Quæ dabantur in Civitate nostrâ Viennæ 7 Januarii, 1655.

F E R D I N A N D U S.

V. FERDINANDUS COMES CURTIUS.

*Ad mandatum S. Cæsareo
Majestatis proprium*

JOANNES WALDERODE.

APPROBATIONES.

CVM duo ex Societate nostra Theologi opus, quod inscribitur, *Atlas Sinicus, sive Magni Sinarum Imperii Geographica descriptio*, auctore R. P. Martino Martinio Societatis IESV, ex Sinarum regno in Vrbem missa Procuratore, Vc. recognoverint, & in lucem edi posse censuerint, ego Ioannes Baptista Engelgrave, Societas IESV per Flandro-Belgicum Praepositus Provincialis, auctoritate ad id mihi data ab Adm. Rev. P. N. Generali Goswyno Nickel, concedo ut typis mandetur. in quorum fidem hisce sigillo nostri officii munitis subscripsi. Bruxellis, 1 Martii, 1654.

Ioannes Baptista Engelgrave.

Atlas Sinicus, sive Magni Sinarum Imperii Geographica descriptio, auctore R. P. Martino Martinio Societatis IESV, opus summa fide ac diligentia conscriptum, & e libris Sinicis Geographicis quindecim singulari studio ac labore erutum, prolatumque, nunc primum in lucem, una cum mappis Geographicis ejusdem regni, ex ipsis Sinensibus archetypis expressis, typis omniumque oculis dignissimum judico, nihilque omnino continere quod Catholicæ atque orthodoxæ fidei contrarium sit, aut repugnet. in quorum fidem hisce manu nostra subscripsi. Bruxellis, 25 Martii, 1654.

ANTONIUS SANDERUS.
*Presbyter, S. Th. Licentiatu, Irenis Ecclesiae
Canonicus & Scolasticus, librorum Censor.*